

洛寧縣志卷

土地部

古蹟志

金石附

昔子朱子體聖人無微不信多聞闕疑之旨注書注經折衷盡善後之紀載者宗之斯無穿鑿附會之弊焉峭地春秋見於經元魏置為縣今停車村墟訪歷代遺跡城防塢壁彌望桑麻父老無能指之者即斷碣殘甌亦皆飄散荒烟頽照每蒼茫久之稽諸各史僅什一千百况亥步難周謝屐罕到前志多從苟簡不能徵文考獻以補之遭逢

古文之世虎觀石渠時殷采擇倘襲其固陋其何以應輶軒之命用是惕然于懷於各史書中細加搜補復取施郡志所擲拾者詳加論正務求實而可徵至俗所稱鳳翼郡為鄉聚之名書城為形冢之語無可証据者仍從施郡志削之

歸于雅馴至金石文字可補史傳所未及攷古者恒重焉郡志止七條茲於前人志攷外唐宋金元新采十餘條皆披荒榛拭土繡得之而曩時官師姓名亦藉摭補附古蹟下庶於體制不紛云

邑郡城

周武氏邑 春秋隱五年武氏子來求購杜注武氏子天子大夫之嗣也水經注元扈之水出於元扈之山逕于陽虛之下又東合武里水水南出武里山東北流注于洛施府志按元扈陽虛俱在洛寧縣西則武里亦當在永寧西山河兩戒攷以武里為武氏邑而又云武山在濟源固兩存其說矣未知孰是

周陰氏邑 山河兩戒攷襄十有二年齊侯許昏王使陰里結之杜注陰里周大夫後有陰忌陰不佞按隋志河南宜陽縣有陰山水經注大陰谷水出太陰溪北流注入洛洛水又東合白馬谿水出宜陽山澗是也

按洛寧古宜陽地隋志宜陽陰山即洛寧神頂山俗名蓮花頂其下有陰谷水施府志以陰氏邑屬宜陽今其地皆在洛寧宜改入洛寧古蹟是

漢金門城

水經注金門山多重故在韓建武二年強弩大將軍陳俊轉擊金

門白馬皆破之方輿紀要金門城以金門山名後漢延熹二年以誅梁冀功封尚書令李膺為金門亭侯即此處也

按金門山今洛寧地方與紀要入宜陽宜改正

晉龍驤城

水經注洛水又東逕龍驤城北龍驤將軍王鎮惡從劉公西入長

安陸行所由故城得其名方輿紀要龍驤城在洛寧縣西四十里

後趙石勒城

水經注洛水枝津水上承洛水東北逕流石勒城北又東逕高

門城北東入高門水

按高門城即今高門關石勒城已與相近則其城應在洛寧地

秦符堅舊城 永固城

按方輿紀要隋義寧二年又移永周城因符堅舊城置縣曰洛寧是永周城即符堅舊城而隋時初置洛寧縣移治之地也今縣東北三十里有舊縣村不知是否

西魏北宜陽縣 方輿紀要洛寧為漢通池之西境西魏于黃櫨置北宜陽縣後改熊耳縣

東魏金門縣 魏書地形志宜陽郡領縣金門興和中置施府志魏書有金門郡又有金門縣別屬宜陽郡皆興和中置是郡興縣不同地矣其因漢金城者為郡為縣不可知故別列之

東魏金門郡 水經注洛水右會金門谿水水南出金門山北逕金門塢西北流入於洛魏書地形志金門郡興和年置方輿紀要洛寧縣西三十里有金門塢或以為金門郡城也

按今金門山周遭幾四十里內即金門塢也塢為防戍之別名金門郡城在此無疑至金門縣想在今門白馬之間別立城以為防禦今金門川東有橫崗長數里其下為樓子邨上皆古寨未知是否

東魏北陸縣

地形志金門郡領縣一北陸興和中置

按爾雅釋地高平曰陸釋名水流瀧而出易曰鴻漸于陸今金門山北阜高平數里曰寨子村在金門川入洛之西北陸縣當在此地與金門縣對以作郡捍禦東西魏五爭宜陽金門其險臨故置郡一縣二為犄角之勢後周陳忻三破金門斬其郡守遂得宜陽乃廢郡立成馬

後周同軌郡城

隋書地理志後周置同軌郡隋開皇中廢方輿紀要同軌在

洛寧縣東西魏置同軌防於此大統年間高澄至洛同軌長史裴實與東魏將彭樂戰為樂所擒通典洛寧縣後周置黃櫨同軌永昌三城以備齊唐武德三年移縣治同軌城施府志同軌遺址永寧志謂不知所在據紀要謂在縣東今縣東北有城頭村未知是否

後周熊耳縣

隋書地理志熊耳後周置方輿紀要後周移劉鳩屬同軌郡隋

徙治同軌城義寧三年又移于永固城因符堅舊城治縣曰洛寧唐初復移治同軌城屬熊州貞觀初改屬穀州又移治莎柵後又移治鹿橋驛顯興初改屬洛州施府志熊耳山在今陝州 寧澍池界熊耳故城當即今洛寧故

縣鎮在今治西北界上而洛寧之名則始於隋後屢移治今縣治實鹿橋驛

按施府志既云熊耳山在陝州永寧池界則熊耳城當在東北今故縣鎮在縣西與盧氏接壤去熊耳在百里外不應如是之遠

後周劉塢治 方輿紀要後周移熊耳于劉塢

按隋書開皇初徙熊耳治同軌而紀要所云豈置縣復又移劉塢非改北宜陽之舊治地耶今縣西有塢東西南三村疑因劉塢得名

後周蕡柵治 通典蕡柵在縣東唐乾元上元間衛伯玉等屢破史思明將李

懷仁于洛寧蕡柵之間方輿紀要洛寧改屬穀州移于蕡柵

按穀州唐貞觀元年徙於澠池縣通典謂蕡柵在縣東今縣東北有河底村與澠池縣相近與改屬穀州移治之文相合是河底村即唐蕡柵也

後周黃櫨城

按通典云周置黃櫨同軌永昌三城備齊紀要云周于黃櫨置北宜陽縣今治西北一百里有黃城即水經注之黃城與故縣鎮近是故縣鎮即北陽故縣及改北宜陽為熊耳之後另於黃櫨置城防戍

後周永昌城

見上黃櫨城注其地不可攷

西魏長淵縣

後周長水郡

文獻通考長水古盧氏縣唐書地理志長水畿縣

按唐書長水縣注本長淵縣宏農郡隋改為長水文獻通考西魏設長淵縣而又云周宜陽陝州士劃在長水郡北十五里豈周時又設長水郡耶

唐函州城唐書地理志以洛寧靖置函州八年州廢以洛寧隸熊州靖隸映

州

按舊志函州城遺址在縣北四十里刀環大宋之間今無可攷舊附志謂在縣北馬村保唐武德三年築或有所據

唐長水城唐書地理志本長淵縣隋改長水武德元年隸魏州貞觀八年隸

穀州顯慶二年來屬有賜西有高門關松陽故關鵠鵠關文獻通攷長水縣

注漢盧氏縣唐縣有天壇山施府志洛寧縣西有長水鎮去縣治四十里

唐靖縣城方輿紀要後魏太和十一年置縣屬宏農郡以二靖山而名隋大

業初并縣入熊耳唐初復置舊唐書武德元年復置靖縣三年屬函州貞觀

石塢移置鴨橋八年改屬陝州開元十四年移置硤石塢改曰硤石縣而舊

各年系志

嶠縣為石濠鎮五代劉智遠自太原南下至陝州明日至石濠是也施府志
按洛寧志謂嶠縣城在城北九十里而遺址無存洛寧西有舊縣未知是否
魏蠡城徙治 水經注又東北過蠡城邑之南注城西有塢水出北四里山上

原高二十五丈故澠池縣治南對金門塢水南五里舊宜陽治也名勝志曹
操移縣西六十五里之蠡城賁達為今時所理也方輿紀要澠池舊理蠡城

今縣西有蠡城驛水經注蠡城南對金門塢屬永寧縣以洛水為界補新

按此則魏時澠池舊治在今洛寧縣境內矣水經注南對金門塢方輿紀
要以洛水為界是其確據魏時澠池與宜陽俱屬宏農郡洛寧為澠池西
南境徙縣於此無足異王顯惡從劉公西伐長安遷龍驤城見水經注晉
史鎮惡進軍澠池遣毛德祖擒秦將尹雅于蠡城與水經注逕由之路相
合其對金門塢之高原自在洛北今縣城西一帶地內水經注載蠡城西
塢水入洛此條在北宜陽北山之後鳳山瀾之前即今永寧縣西十里嶠
嶠澠施府志既云蠡城當在嶠澠山南四里又載入澠池古蹟自岐其說
今以地形考之移入洛寧方與鄰道元城西塢水南流入洛之說相合

高門木城 晉書龐季明入盧氏進達高門木城水經注洛水枝津東迺高門

城北補新

高門閣

檀山塢 水經注洛水又東逕檀山南其山曰絕孤峙山上有塢聚俗謂之檀

山塢補新

互見山川志內

宮 室 軒 亭 臺

唐峙岫宮 唐書地理志洛寧縣有峙岫宮顯慶三年建李通志在縣西五里

唐建詩有武后去來紅襟盡野花黃蝶顧春風之句即其處也

唐蘭峰宮 唐書地理志洛寧縣有蘭峰宮顯慶三年置李通志在縣西三十

三里

按史高宗顯慶初武后因王蕭之死不樂居長安高宗乃以洛陽宮為東都崇飾別宮以媚之其駐蹕之所靈寶有上陽桃源翠微三宮陝州有蘭頤宮洛寧有峙岫蘭峰二宮宜陽有連昌蘭昌二宮皆窮極侈麗所謂離宮也

明萬安王舊宮 明史諸王表萬安康懿王名典賴伊敬王庶二子嘉靖七年

封以奉祀隆慶四年薨子昭和王名宸煥康熙一子萬歷二年襲封二十
六年薨子恭宣王名珂佳昭和嫡一子萬歷三十一年封長子二十九年襲
封以就府營福藩別城洛寧尋薨子采鐸恭宣嫡一子襲封崇正九年二月
以盜熾請加築洛寧城十四年關賊破城遇害補

授萬安王舊府舊志失載詢之
邑人云在東城舊址亦不可攷

快風軒 李通志龍頭山有快風軒

漢金門亭 方輿紀要以誅梁冀功封李偉金門亭候

僕谷亭 水經注洛水逕僕谷亭北

黃亭 水經注洛水東逕黃亭南

倉帝造字臺 路史禪通紀倉帝史皇氏有睿德生而能書及受河圖錄字於

是窮天地之變仰觀奎星圓曲之勢俯察龜文鳥羽山川掌指而瓶文字形
位成文聲具以相生為字羅草注河圖玉版云倉頡為帝南巡登陽虛之山

臨於元瀨洛汭之水靈龜負書丹甲青文以授之又施府志按元瀨陽虛今在洛寧則造字臺遺蹟有由來矣今據路史倉頡造字仰觀俯察固非一端而謂受龜書于元瀨以造文字亦足為確論也至長安三會寺亦有倉頡造書堂羅苹注以為未然

洛書非瀨書辯

明 邱起鳳

洛寧縣西有元瀨水黃帝時史臣倉頡從帝南巡臨於此水水開一窩有龜出焉厥背赤甲青文即所謂瀨書者也倉頡因則之以制字此陽虛山所以有制字之臺也至虞舜時大禹治水有龜載書出之於洛今所傳洛書是也按洛水關上縣之地求其龜的出於何地則不知也後人求其地不得見瀨與洛相近且其流漸入於洛據瀨有龜窩宛然可按遂指為洛之出書即此是耳遂一唱百和學士大夫亦深信而不疑余未能至此地嘗玩誌之圖識龜窩之去洛尚遠遠不在將入未入之界此則瀨自為瀨洛自為洛較若列

眉雖五尺之童亦不至於眩惑乃於其寓所出之龜輒謂洛之出書即此真有不可解者矣夫滬非有異流也滬之龜未嘗再出也如謂禹時之龜即此而是將謂黃帝時之龜又出於何地乎永人兩存其說而不一究其實傳信傳疑不幾兩無據歟或者謂出書叙疇千古稀有之奇是以艷而稱之未嘗深求不知滬書出而字以制舉結繩之陋而頹易之至於天雨粟鬼夜哭即禹疇以憑之而後叙豈可重抑其出洛書下哉顧置此而稱彼則何也余嘗謂滬固在於永也洛亦經於永也雖謂兩書並出於永亦無不可惟執滬所出之龜謂即洛書斷斷不可何也龜寓實在滬中與洛毫無干涉按跡顧名其是非自了了矣

省志

夏鹿臺 名勝志鹿臺在洛寧縣北相傳洪水時禹至此見一鹿築此臺又謂之高霞臺

關塞

古嶠塞 春秋僖三十年晉人敗秦師于嶠左傳嶠有二陵焉其南陵夏后皋之墓也其北陵文王之所避風雨也公羊傳嶠之巔岩呂氏春秋九塞嶠其一也方輿紀要三嶠山亦曰二嶠在今洛寧縣北六十里謂之嶠塞戰國策所謂澠隘之塞也秦昭王初楚圍雍氏秦下師於嶠以救韓張儀說趙曰秦軍軍於澠池願渡河逾漳戰邯鄲下蘇代謂甘茂自嶠塞至鬼谷一作槐谷其地形險易皆明知之漢景帝三年吳楚叛周亞夫出關討之趙涉曰吳王懷輯死士必置奸人於嶠澠阨陘間亞夫因出武關而東東漢建武三年龐德人破赤眉於嶠底建安十九年龐德破賊張白騎於兩嶠間水經注嶠有盤嶠石嶠千嶠之山故又曰三嶠晉大寧三年後趙石生屯洛陽劉曜使其黨劉岳趙孟津呼延謨自嶠澠而東合諸軍攻洛陽畧地至嶠岷關中大震後魏永熙三年高歡自晉陽犯洛宇文泰遣將赴援會魏主西走嶠中又韋孝寬襲破東魏將段琛等於宜陽嶠澠遼清元和郡縣志有東嶠至西嶠三十五

里東靖長阪數里峻阜絕澗西靖純是石阪十二里險不異東靖此二靖皆在蔡關之東漢關之西輿地廣記二靖山連入硤石界自古險要之地也施府志三靖入永寧澠池陝州三界楊升菴春秋地名考二靖正義曰俗多土穀石穀其後轉為土濠石濠杜子美有石壕吏詩宋建炎二年金人自同華東走石壕即舊靖縣而澠池有土濠鎮乃土穀也硤石入今陝州界

按通典魏正始元年宏農太守孟康上言移函谷關更號大靖關則當移在洛寧澠池間

唐高門關 唐書地理志長水西有高門關方輿紀要高門關在永寧西十八盤嶺北明史地理志洛寧有高門關巡檢司

唐松陽關 唐書地理志長水有松陽關方輿紀要洛寧西八十里有崇陽鎮關有巡司施府志唐松陽方輿紀要作崇陽明史地理志亦作崇陽實一也唐鵠鵬關 唐書地理志長水有鵠鵬關方輿紀要在洛寧縣西鵠鵬山唐所建也今廢

明靖底關 明史地理志洛寧東有靖底關巡檢方輿紀要靖底在洛寧縣西北七十里即靖谷之底也亦曰靖坡一名澠池瀉具大破赤眉於此明初置巡司後革

按靖底應依方輿紀要在縣西北明史在縣東誤

明神頂寨 舊志縣東南三十五里明洪武初大將軍徐達等率諸將進攻河南諸山寨克神頂寨元守將張知院以其眾來降達隨進兵洛水北塔兒灣命百戶孫震守禦

明白馬寨 舊志縣東南四十里明永樂間命百戶鵬飛守禦

附府 戍附戰地

後魏同軌防 方輿紀要洛寧縣東西魏置同軌防

按同軌防主長史見後周書

後周靖東五義防補新

按後周書陳忻傳隨靖東諸將破東魏三城斬其金門郡守魏元傳邛山之敗守靖東立義者成懷異望靖東立義自是一城防周立號州熊州等十六防軍事靖東應與黃樞同軌等並重故曰守其云立義者蓋招集義兵所屯觀盧光傳光守山東立義加大都督可見又後魏書以陳忻為立義大都督即此防也其防即在靖縣城紀要未查載新補之

唐同軌府 方輿紀要唐置河南郡三十九府有同軌府

後周洛西都督府 後周書韓雄傳以雄為洛西大都督假平東將軍仍鎮洛

西補

後周金門戍 文獻通考周既得宜陽於金門置戍以備齊補

按置戍當在廢金門郡後

後周宜陽陝州土刻 文獻通考周置黃樞三城及宜陽陝州土刻以備齊注

在長水郡西北十五里補

按長水今在洛寧則土刻應亦在境內但未識土刻之義舊府志土刻在洛寧縣西北古蒯關之塞垣後為鎮土刻為刻字之謠未知是否

宋孫洪潤戰地 宋史楊再興傳岳飛屯襄陽以圖中原遣楊再興至西京長